



SWYDD:	Swyddog Datblygu Cymunedol Menter Iaith Casnewydd
LLEOLIAD:	Swyddfa Menter Iaith Casnewydd, Llawr D, Prifysgol De Cymru, Usk Way, Casnewydd, NP20 2BP
ORIAU GWAITH:	37.5 awr yr wythnos
CYFLOG:	£21,074- £23,111 (dibynnol ar brofiad a sgiliau)
GWYLIAU:	20 diwrnod o wyliau ar ben Gwyliau Banc statudol

Mae Menter Iaith Casnewydd yn gwmni cymunedol di-elw sy'n bodoli i hybu'r defnydd o'r Gymraeg ac sydd â'r nod o gyfrannu at gynnal y defnydd o'r Gymraeg yn gymunedol, cefnogi rhwydweithiau cymdeithasol y Gymraeg a chynyddu statws y Gymraeg ym mhob sector o fewn Dinas a Sir Casnewydd.

CEFNDIR

Nod y Mentrau Iaith ydy hybu a hyrwyddo'r Gymraeg ar draws Cymru. Sefydlwyd y Fenter Iaith gyntaf yng Nghwm Gwendraeth yn 1991, ac erbyn hyn mae 22 Menter Iaith yn gwasanaethu pob rhan o Gymru. Wedi tyfu o awydd a dyheadau pobl leol y mae'r Mentrau Iaith, er mwyn hyrwyddo defnydd y Gymraeg ym mhob agwedd ar fywyd yn eu cymunedau.

Nod Swyddog Datblygu Cymunedol Menter Iaith Casnewydd yw datblygu a chodi ymwybyddiaeth o waith y Fenter o fewn cymunedau Casnewydd. Prif ddyletswyddau'r rôl yw cydlynu rhaglen o weithgareddau a digwyddiadau amrywiol i bobl o bob oed ar hyd a lled Cyngor Dinas Casnewydd er mwyn iddynt gael mwy o gyfleoedd i fwynhau a chymdeithasu drwy gyfrwng y Gymraeg. Yn ogystal byddant yn codi proffil yr iaith yn gyffredinol a'i defnydd ar draws y ddinas mewn nifer o feysydd. Bydd yr unigolyn delfrydol yn datblygu syniadau newydd ac arloesol i barhau i adeiladu a datblygu darpariaeth a rhaglenni presennol y Fenter.

PRIF GYFIRFOLDEBAU

- Cydweithio â Phrif Swyddog y Fenter, ag eraill er mwyn hyrwyddo gwaith y Fenter a'r Gymraeg o fewn Dinas a Sir Casnewydd.

- Trefnu, arwain, cynnal a rhedeg gweithgareddau a gwasanaethau cyfrwng Cymraeg ar gyfer ystod eang o'r gymuned o bob oed (plant ac oedolion), a chefnidir.
- Asesu ag adnabod cyfleoedd i ddatblygu'r defnydd o'r Gymraeg yn lleol.
- Meithrin a datblygu cysylltiadau agos gyda grwpiau cymunedol, mudiadau gwirfoddol a phartneriaid eraill (e.e Cymraeg i Oedolion Gwent, Mudiad Meithrin) gan gydlynu a threfnu gweithgareddau blaengar a deniadol ar y cyd a'u gwerthuso'n gyson.
- Trefnu, arwain, cynnal, rhedeg a chydlynu digwyddiadau cymdeithasol yn annibynnol a chydweithio ag amrywiaeth o gyrff i gynnal digwyddiadau ar y cyd.
- Ymchwilio i brosiectau celfyddydol.
- Ymchwilio i ddiddordebau ac anghenion trigolion y Sir.
- Ymchwilio i ffynonellau cyllid er mwyn ariannu digwyddiadau.
- Cyfrannu at brosesau gwerthuso a monitro'r Fenter.
- Cynorthwyo gyda chydlynu Fforwm Iaith Casnewydd.
- Cynrychioli'r Fenter ar bwyllgorau lleol a rhanbarthol
- Cynorthwyo gyda marchnata gwaith y Fenter drwy amrywiol ddulliau
- Cynorthwyo gyda thasgau gweinyddol
- Cyfrannu at weithio mewn swyddfa effeithiol
- Cefnogi yn y gwaith o gynnal Clybiau Gofal ar ôl Ysgol
- Unrhyw ddyletswyddau rhesymol eraill yn ôl y galw

CYFLAWNI'R SWYDD

Bydd y Swyddog yn atebol i Brif Swyddog Menter Iaith Casnewydd yn ogystal â Bwrdd Rheoli'r Fenter.

Bydd gofyn gweithio gyda'r nos ac ar benwythnosau yn ogystal â theithio i weithgareddau/digwyddiadau, cyfarfodydd ac i ymweld â mudiadau eraill.

Bydd y Swyddog yn ymwybodol o iechyd a diogelwch ei hunan ac eraill ac yn ymrwmo i ddilyn polisiau a gweithdrefnau Iechyd a Diogelwch y Fenter yn ogystal ag ystod o bolisiau eraill y Fenter.

Mae Menter Iaith Casnewydd yn gweithredu Polisi Cyfleoedd Cyfartal. Mae'r polisi hwn yn ymwneud â deilydd y swydd a'r bobl y bydd y Swyddog mewn cyswllt â hwy a sut y bydd yn cyflawni'r gwaith.

Bydd yn ofynnol i'r ymgeisydd llwyddiannus i gael ei wirio gan y Swyddfa Cofnodion Troseddol (DBS).

Mi fydd yna gyfnod prawf o 3 mis i'r ymgeisydd llwyddiannus.

Manyleb Person	Angenrheidi ol neu Ddymunol
Profiad	
Profiad o weithio trwy gyfrwng y Gymraeg a'r Saesneg.	A
Profiad o ddefnyddio meddalwedd Technoleg Gwybodaeth.	A
Profiad o drefnu digwyddiadau neu wasanaethau	D
Profiad o weithio mewn cyd-destun Datblygu Cymunedol	D
Profiad o weithio gyda phlant a theuluoedd	D
Profiad o farchnata	D
Sgiliau a Chymhwyseddau	
Sgiliau llafar ac ysgrifenedig trwy gyfrwng y Gymraeg o safon uchel iawn.	A
Y gallu i gynllunio a chydlynu prosiectau.	A
Y gallu i weithredu'n annibynnol gan ddatblygu syniadau heb arolygaeth sylweddol	A
Sgiliau cyfathrebu a chyflwyno da ar lafar ac yn ysgrifenedig.	A
Sgiliau rhyngpersonol a chyfathrebu o safon uchel a'r gallu i weithio gyda thrawsdoriad eang o bobl.	A
Sgiliau trefnu o safon uchel.	A
Y gallu i weithio fel rhan o dîm.	A
Profiad o fonitro a gwerthuso prosiectau.	D
Profiad o weinyddu	D
Gwybodaeth a Deallusrwydd	
Dealltwriaeth dda o brosesu geiriau, mantolen, bas-data, cyflwyniadau.	A
Hyderus wrth ddefnyddio'r we, ebost a'r rhwydweithiau Cymdeithasol.	A
Dealltwriaeth o gydestun y Gymraeg o fewn cymunedau'r De Ddwyrain.	A
Dealltwriaeth o waith y Mentrau Iaith a'r partneriaid sy'n ymwneud â maes hyrwyddo'r Gymraeg	D

Manyleb Person	Angenrheidi ol neu Ddymunol
Addysg a Hyfforddiant	
Trwydded Yrru lawn a defnydd o drafnidiaeth ei hunain.	A
Parodrwydd i ddilyn unrhyw hyfforddiant perthnasol ac angenrheidiol.	A
Tystiolaeth o lwybr addysg berthnasol	A

Ariennir y swydd gan Lywodraeth Cymru tan Fawrth 31ain 2021 gyda'r posibiliad o ymestyn y cytundeb yn ddibynnol ar gyllid pellach ar gyfer 2021 / 2022.

GWYLIAU

Cynigir 20 diwrnod o wyliau yn ystod y flwyddyn yn ychwanegol at y gwylliau banc statudol arferol a diwrnod ychwanegol adeg y Nadolig a Phasg.